

桃花源志略卷十一

唐開韶輯

胡焯同編

徵文九

詩五

錢湘舲詩一首

湘舲名榮  
長洲人

武陵道中

翠屏環列簇煙

低徑轉千盤路欲迷洞古不知秦甲子祠荒猶說晉東西

山山落日跳松鼠樹藏雲叫竹雞問訊仙源何處所桃

花落盡水流溪

胡竹巖詩一首

竹巖名浚  
山陰人

游武陵桃花源一百韻

紅雨

栖山宅丹霞避世鄉連峯緣蹙口絕巘對潯陽玉簡標天

桃花源志略卷十一

一

洞瑤籤誌浪光通人纔晉代遁跡始秦皇事泄陶詩卷圖

摹沈畫囊諸眞盱築竈游伴騁攜觴宛委殊珪挂蓬萊勝

海航傳聞愁未盡夙習敢虛忘檜楫途經訊梭鞋願獨償

淥蘿攀窈窕白馬亂蒼茫煙重晴看雨沙明晝訝霜崖崩

含豹髓泡散簇花房暝箔收銀鯽陂村裊綠楊乍驚門戶

異屢悅澗阿長甌磨洲陰柎芭茅寺北莊問津驕子驥繫

纜識漁郎百級摩霄赭雙厓束徑蒼泉生龍睡下嵐滃鶴

歸旁睨漆澆芝嫩迎颺餌桂涼泐源潛土竅危甃墜雲梁

依約探靈宇參差度曲廊齋碑題餉芋雷印說駟狼臺沒

鑪弦黑池湔鼎耳黃杉空心任死松禿頂全藏九節寒蒲

短千竿巨筍方糝鱗龜鋏鏤艷尾鷺盤翔更乃要賓處尤

難闕管量闢園開日月縮地引溝疆夜績窗櫳靜春芟隴  
畝良啼雞羣上木臥犬互登牆長幼同人世衣冠謝古裝  
那須求粉朮業笑話滄桑蘇子參疑似韓公泥典常五谿  
多洞峽九姓具廬塘箬葉包鹽麥鷲毛紡布娘紫薑均鼠  
穴白衲儘羊腸映面葩皆豔懸瓢酒易嘗卽今徵戶口安  
事笑荒唐訛爛承千載觀川祗一望筓剗存漑泄硤破逗  
鏗鏘點滴欣聞樂東西詫眯糠袞裳憑恍惚挈榼縱徜徉  
南岳誰琳觀西壇儼石牀瞿童誇飲食符載妙文章隱樹  
高蓀柳耽棋放叱羊篠殘篩翠屑虬化睽紅芒珉子言何  
驗丹書訣已亡蕪檀神聳悚濡版墨淋浪後會閒麋鹿終  
期待鳳凰降來辭削劣次復涉潢洋鐵甕週攢朗瓊田半

桃花源志略卷十一

二

映湘玉鷄喧小汉元鹿蹇迴岡身健休攜杖衣單卽裹糧  
買炊尋米井離垢乞礬湯骨渡墳何詭雲穿嶧更昂玲瓏  
均側曲奧窵宛中央斧逼蠶叢譎橋懸象鼻僵渴奔酣驥  
怒舞卓瘦蛟狂陶復明通牖匏笙孔透簧壺空琪樹羃幕  
豁碧油張柏掇條成珞緹飛隊領魴未知刊怪狀奚自借  
雄鋸蠻衆前嶠負君侯昔武陽壺頭曾決戰岸室向勤王  
舊鑿爰祠廟遺黎尙馘肪錦毛遮瑣甲璿網綴琅璫銅鼓  
聲猶壯文犀語故傷夙齡悲意苾邇客醉蒼笈牛馬風原  
別粗黎趣曷妨旣容耽暢適詎足費徬徨度索瞻枯脫援  
梯協凱康皮空浮絳節骨冷匣沈香簫鼓應華闕飈霆已  
伯強懸知槎度險定假芮禽將踰磧仙餘剝投齋客倚檣

渴方漂藥杵峭擬削錢倉綠淨涵銅瓦藍霏露寶坊鮫妃  
供勒果山鬼睇幽篁境僻孤帆遠磯閒舊釣荒靈巖懷刻  
篆下瀨趁鳴榔木落秋稀葉鴈圓曉弄吭赭珠垂枸杞繡  
卵哺鴛鴦隙小昏如墨中穹敞若堂浣裙猜盜白秉炬代  
曦暘杳渺偏鉤鎖豁舒亦廡涓涓凝紺乳淅淅灑金漿  
規矩咸從法鰕蟲各表祥毯承三足臙苑跂九頭鶻晶雪  
鏤苞筍胭脂暈海棠矧伊光遠相神似妙嚴莊螺髻仍高  
座魚籃宛道場浴池堆琥珀華髮雜琳瑯三昧真奇幻千  
身罄翦鑲轉疑花洞侶別獻竹林筐霏雪攀梅福明星穩  
玉姜射魚甯共比編櫛可相當狡獪矜拋粒幽深飽嗜瘡  
輕軀希搗孽搔首眯排闥欲住慙茅屋重來想荔裳東風  
能認路岸岸野桃芳

桃花源志略卷十一

三

胡海南詩一首

海南名先  
琅琊涇縣人

游桃花源寄友人

萬古沅

湘水花源幾曲深田園無曠土桑竹自成林此際耽幽興  
何人悟道心我生慣飄泊結契有知音

唐景文詩八首

焯曰景文先生竹谷之父  
諱世皞以孝子見旌

和陶淵明桃

花源詩 三十六洞天幾人曾避世繫吾桃花源真隱萬  
古逝憶昔虎狼秦名教幾中廢譬若中風人狂行靡所憩  
坑儒火其書申韓當六藝長城困黔首騁駕將安稅雞犬  
無甯魂驚鳴雜狂吠乃有周遺民衣冠猶舊製搜奇得桃  
源勝境遂深詣相與竹素俱士氣無札厲此中別有天優  
游以卒歲渾渾噩噩風焉用巧與慧奕葉繁子孫竝忘是

仙界痼癖老煙霞心源常不蔽信與古爲徒放浪形骸外  
所以高尚士願結平生契  楚國多畸人高風邁塵世當  
年爲避秦起與冥鴻逝青谿藏萬山世界靡興廢伊人偶  
得之借作蘧廬憩移家面西疇努力事耕藝禮樂沿成周  
編戶無賦稅桑間聽雞鳴深巷聞犬吠長帽覆睂裁短衣  
齊膝製願共素心人彼此相造詣門前環響鏗石上屐聲  
厲斗酒歌烏烏一勞勤終歲如斯五百年人心泯愚慧有  
客停扁舟誤入桃花界乃知此一天久爲山靈蔽遂使塵  
埃中永絕人寰外不與尋常流已共羲皇契  洞中千萬  
年長樂羲皇世一派真淳風不共川流逝到此會有緣不  
則半途廢孰意捕魚者舟行不肯憩鼓枻節歌聲如奏伶

桃花源志略卷十一

四

倫藝水源得山麓行跡將焉稅一徑通遠邨漸聽狺狺吠  
良田墾昔荒老屋沿祖製相見詢所來招邀比戶詣爲黍  
復殺雞霍霍刀聲厲陪客來鄰翁老者逾百歲總角甯馨  
兒齒牙宣宿慧融融樂未央不讓神仙界仁聖雖未能頗  
覺通六蔽脫身塵網中游神宇宙外可惜南陽劉但得神  
相契  桃川有漁子浮家終此世偶然見桃花隨水向東  
逝斗酒得微醺捕魚仍不廢打槳忽忘返乘興無稍憩秦  
人隱洞中素諳五土藝叱犢耕春田不解納租稅山深鳥  
報更處處聞蛙吠矮屋雲初聚曲几高曾製一旦闢靈源  
古洞勞今詣獨行跨石缸無須深則厲相見猿鶴羣藟艸  
踏千歲止宿臨其家眼青畱佛慧歎洽具盤飧精約殊塵

界皓月挂松梢光明無障蔽一榻夢游仙跡徧九垓外早  
起辭主人歸報舊所契百年塵網中蝸角有身世歲月  
如川流轉瞬卽東逝卻羨仙佛流機心斬然廢長生與無  
生兩處任所憩芝艸及菩提親手勞樹藝朱橘納輕租黃  
甘輸薄稅葳叢作人形杞根聞狗吠柳酒醉仙釀榔麪飽  
天製有時慕仙源聊爲被褐詣舴艋偕瞿仙溯回春水厲  
大椿經萬年靈藤或千歲旣遇黃髮翁古愚邁今慧止水  
無寸波超然共法界豈知迷途中蓬心如覆蔽往返尋其  
源空想浮雲外何由晤仙真與結膠漆契大劫移千春  
浩浩在人世日月馳雙丸東出還西逝有物畱渾成卓立  
堅不廢闔闢同乾坤流行無稍憩爰有赤松徒慧根能宿  
藝高蹈逃祖龍于此駕堪稅耕牛絕吳喘守犬泯蜀吠大  
婦善流黃小婦縑新製家家養天倪出門無所詣詩書畱  
古編研誦志恒厲人言王母桃花實三千歲食者能長生  
還能增智慧却嫌弱水深中判仙凡界曷若桃花源只有  
青山蔽有時漏消息直到桃花外令彼有心人到此尋真  
契寅會人民生始有人間世今人無不來古人無不逝  
治亂如循環運會有興廢至人得神解與化同游憩養拙  
甘陸沈躬耕勞種藝生兒讀詩書佃者供租稅秋田喜成  
熟村舂雜犬吠匏尊認周器荷衣多楚製誰料武陵漁一  
旦舍船詣得遇其子孫氣宇溫而厲或者享高年或者當  
綺歲或藹然以仁或朗然以慧鼓腹羣嬉游依稀極樂界

不足外人道可以一言蔽此遇良足奇高出風塵外何緣  
繼前蹤得與仙靈契 天地啟昌期乃臻太平世老成餘  
舊型德澤永不逝風俗共淳古禮讓無敢廢商鬻泛舟聚  
農耕倚鋤憩俎豆中規矩膠庠服道藝人有餘布粟戶不  
急租稅道遺恥不捨夜戶靜龙吠里閭多耆舊衣冠半古  
製有時起曳杖扣門輒相詣子弟喜迎謁黽勉互底厲衰  
興談往事華實紀年歲駐顏非靈藥養福泯智慧有酒足  
斟酌主賓忘畛界環堵共偃仰風日良可蔽因知桃花源  
不在人世外秦人盍來歸與結千古契

唐六枳詩一首

六枳先生名仲冕號陶山善化人

招同人集金陵草堂

橋之小桃源因出文衡山桃源圖同觀分次昌黎桃源圖

桃花源志略卷十一

六

韻 城西山寺煙蒼茫道人黃髮如軒唐景學武陵新洞  
府地鄰鍾阜舊草堂稱名應爲逃名者嘯詠頻來造竹下  
安得丹青一寫之佳境大小有同辭縮地移山遠非遠論  
詩讀畫斯取斯展圖釣艇傍石室岸上花開紅映日漁人  
曳漿入里閭恍見淳風敦任卹阡陌交通到處花眼明錯  
認赤城霞幾重樓閣巖邊屋無限桑麻村野家忽聞世代  
歷年所花如欲笑泉欲語避匿或臥北窗風招延齊作東  
道主劉子高尚徒欣然此畫又經三百年西晉清言吁已  
邈南宮題筆卓可傳我今亦設雞黍饋小桃源豈桃源異  
自歎半生困塵鞅何曾飽食兼熟寐入山深處一蟬鳴閒  
游不遣猿鶴驚青溪會得圖中意白哈偕爲物外情衡山

老似虎頭顧尋契底須怨遲暮卻憐迴櫂黃道真空記津塗語外人

楊田村詩一首

名開詔師田村先生

桃源行贈邑宰趙叔

明 尋陽舊作桃源記輞川今賦桃源行桃源有縣似村落只以桑竹爲官城詘曲清谿三十里人家耕織炊煙裏雞犬知村晚自歸鷗鷺近人驚不起晉宋而來春幾度但見桃花隨水去卻從山口認天光舊是漁人舍舟處桃源風俗甚眞淳雞黍相將問主人宰官今日陶彭澤更種桃花滿縣春

曾賓谷詩二首

名開詔師賓谷先生名燠南城人

題唐竹谷武陵竹枝辭

後 襄陽耆舊幾人存楚寶編殘蹟欲湮絕好孝侯風土記宮商傳出武陵春 劉郎曾作州司馬谿洞猶傳舊日歌解把新聲存古意輸他唐勒逸情多

趙笛樓詩一首

名見前里

題唐竹谷武陵竹枝辭後

捕魚

舊業近如何枉渚輕舸蘸碧波擬趁秋風涼月夜扣舷同唱竹枝歌

石琢堂詩一首

名開詔師琢堂先生名韞玉吳縣人

經桃花源 雙旌遙

指辰溪渡僕夫告我桃源路入室初逢起定僧當關少駐尋春步春風暖茁紫蘭茸無復桃花洞口紅數家白屋風篁裏一面青山水鏡中斑斑巖口蒼苔駁泱泱飛泉漱寒玉古木懸巖石作梁游人拾翠雲生足山行十步九盤桓始信登高濟勝難野老尙沿秦氏族叢祠不改晉衣冠此

中風俗殊平易雞黍畱賓亦常事自守桑麻長子孫幾曾  
仙怪誇靈異商山人老紫芝新采藥蓬萊幾度春當時不  
少見幾者豈獨桃源是避秦問津之人今接武徵實辨虛  
竟何所世外滄桑亦有無山中歲月何今古煙蓑雨笠古  
漁師滿地江湖一釣絲請看門外桃花水常繞淵明舊日  
祠

高東府詩二首

開詔師東府先生名應璧號硯溪龍陽人

桃花源

桃花灼

灼水濺濺春去春來不計年不有淵明高尚志那能摹寫  
洞中天 洞庭八百久稱雄浩蕩煙波汨沒中何似花源  
堪隱逸桑麻雞犬盡王風

用劉山癯句

向魯齋詩二首

魯齋名曾賢平江人

讀陶靖節桃花源記

方外

桃花源志略卷十一

八

空虛地人閒亦有天掉頭來此地絕跡不知年情遠關常  
閉機忘骨欲仙漁郎何所慕倚棹到巖前 陶公晚好道  
想入自來無栗里高蹤在桃源絕境孤洒然人是客闐若  
我忘吾搔首南山遠如懸避俗圖

李經臺詩一首

經臺名廷選武陵人

訪秦人洞

漢壽城邊來言

訪秦人去踏盡沿溪花秦人在何處

孫鏡詩一首

桃源未詳

桃川仙隱

追呼避却藝桑麻劉

蹶曹顛歲月遐今日編氓安作息空餘洞口放桃花

羅仙塢詩二首

仙塢名南英桃源人

爲唐竹谷寫桃花源圖自題

二絕句

爲探摩詰畫中詩卅載風塵繁別思繪得名山

眞面出神仙蹤跡總難知 淥蘿山遠淨無塵萬壑千巖

筆下斂我亦花溪學漁隱此生甘作打魚人

竹谷別號  
花溪漁隱

陳箸堂詩一首

箸堂名德  
超武陵人

擬陶淵明桃花源詩即用原

韻 務農開國基后稷當堯世康衢老逸民離羣矜獨逝  
田園澹泊閒塵緣俱早廢樸素常居安朝作復昏憇擊壤  
歌皇風胎息古文藝及至秦始皇盲駕不知稅力役困追  
輸喧呼犬夜吠刻石銘勳烈諛詞空巧製遺賢實恥之絕  
境遂深詣避世心彌堅非徒顏色厲高臥洞天前終身飽  
樂歲揮塵談太元把酒觀羣慧抗論拓心胸登峯舒眼界  
及至典午時靈源闢久蔽仄徑露微茫直接紅塵外遂許  
武陵漁一與仙疇契

郭億中詩一首

億中名連測號  
存門龍陽人

和陶淵明桃花源詩

### 桃花源志略卷十一

### 九

桃源山中人避秦自先世心隨片雲遠跡與流水逝家室  
各追隨耕織無荒廢榆柳羅清蔭泉石快遊憩籬援互毗  
連菰黍競蒔藝書無李斯燔地靡商鞅稅羣雞屋角鳴一  
犬花閒吠匏酌尙周遺荷衣從楚製婚嫁不出村父老時  
相詣春來草木榮歲晚冰霜厲京洛多紛拏漢晉幾年歲  
有客老漁樵忘機泯智慧滂洄紅樹林依止白雲界出山  
乍委蛇尋源成障蔽宛然林壑閒如隔蓬壺外何時拏扁  
舟更結煙霞契

王德甫詩二首

德甫名昶號  
蘭泉青浦人

將至桃源書淵明集後

夙愛桃源圖屢讀桃源記頗笑後賢作疑信等蜩沸自來  
眞逸流山水曠高寄一聞塵外區結念塵夢寐未須論有

無先與託文字何況柴桑翁身丁典午季折腰固不堪乞  
食更非計久懷荷蓀徒畫扇見神契偶傳武陵谿風土信  
幽異雞犬各自如妻子未爲累悠然寫其人聊以詔塵世  
裹糧必問津遐想毋乃滯我今來沅南溪山悉妹麗寒水  
澄綠波層巒倒空翠人家楓竹林卽此可終憩安得花紅  
時一鼓漁郎棹 泊桃源縣 寒江無月水雲昏山縣淒  
涼祗似村仙犬不聞燈火靜行人今夜泊桃源  
趙仰文詩一首仰文名永 欽桃源人 川上亭對月 天淨暮雲收  
夜深人語歇偶從川上來佇望亭前月江流一片秋飛去  
鷗如雪虛白照滿懷形與影俱潔朗吟王孟詩五字記清  
絕

桃花源志略卷十一

十

文西垣詩一首

西垣名自奎號鷺溪攸縣人

晚過白馬渡尋桃源日

不見 白馬渡邊暝色起仙源或在深山裏扁舟蕩漾涉  
前津一片蒼煙覆溪水

何鳴鳳詩一首

字未詳浪穹人

桃源洞 武陵古洞暮煙斜避

世偏宜近水涯石障已迷前過路桃溪應滿後栽花擬逃  
塵網親漁棹可許仙源度歲華遮莫山僮勤埽拂落紅休  
使到人家

張紫溪詩一首

紫溪名世濬湘潭人

桃源 一望煙波闊仙源此

問津碧桃千樹裏可有捕魚人

郭厚菴詩一首

厚菴名塋丹徒人

舟過桃花源 雞鳴屋角犬

當門沙岸河流曲抱村却怪今朝風太利一帆如箭過桃

源

葉琴柯詩二首

琴柯名紹  
檜歸安人

桃花源口占

高巖百疊鎖

煙霞路繞幽篁一徑斜  
脚底軟紅塵不埽也  
沿溪路訪桃

花 靈山縹緲絕塵寰  
洞口閒雩自往還  
畢竟仙源終不

隔放他流水到人間

邢都遷詩一首

字未詳  
桃源人

春游桃源

不識桃川路沿村

數問津嵐鋪山外翠  
花放洞中春欲作  
窮源客難親避世

人鳴泉聲自碎猶似說先秦

鄧遜齋詩一首

遜齋名鴻  
志松江人

桃源

高隱何須苦問津  
桃

源是處可藏身  
蘆中窮士輕辭楚  
洞裏仙家枉避秦  
篙石

敲鏗波見底岡巒稠  
疊樹爭春推篷不覺條  
風至野店驚

桃花源志略卷十一

十一

看帖子新

時立春  
第二日

□玉亭詩一首

玉亭名和  
壑武陵人

桃源洞

聞說名山舊避秦

□冠不改葛天民  
桑麻雞犬雲中物  
也許漁郎再問津

□忍齋詩二首

忍齋學使名  
姚成仁和人

經桃源有感

雞犬如何

□上天桃花洞裏住  
年年倘因春色句  
畱住卽是凡夫不

是仙 誓與青蓮結淨因  
青蓮色相尙非真  
若真拈著桃

花笑便落桃花一劫塵

吳卓齋詩二首

開韶師卓齋先生  
名亭一武陵人

和張忍齋學使經桃

源有感韻 洞裏居人別有天  
黃童白髮不知年  
駐顏只

用桃花好何必燒丹更學仙  
怪底漁郎有夙因  
機心忘

却見天真何時共泛仙  
源棹便藉清溪澣俗塵

王春野詩二首

名見前里

望桃源後洞

縣濛林壑抱山斜

山上秦人舊有家  
版籍何須拘魏晉  
神仙端合愛桑麻  
巖扃清閤誰探鑰  
桃樹芳穠正作花  
知有層樓鎖深處  
避喧應厭世人誇  
尋源願結十年前  
津逮靈區亦偶然  
石髓未餐仍俗客  
雲林無地學頑仙  
刀圭漫博三升酒  
卿相何如二頃田  
應被漁郎笑行役  
沿溪紅樹不停船

陳廷鴻詩一首

字未詳桃源人

游桃源洞

步到修篁處翻疑

別有天飛橋依絕壁  
仄磴鎖蒼煙路曲花迴轉  
山空水斷連此來仙未遇  
且伴老僧眠

費暖村詩一首

暖村名學玄里未詳

桃溪漁父辭

武陵一棹自

何年只有閒鷗伴  
釣船溪水不隨山  
勢轉桃花流到洞門

桃花源志略卷十一

十二

前

高筆城詩一首

筆城名塔桃源人

登三陽峯望穿石

岩堯仄

磴逼青蔥獨倚孤筇  
悵望中一水曲隨深澗出  
三峯高插暮天空  
將軍石室餘荒草  
游子征舠繫短篷  
舊日仙源何處問  
洞門楊柳帶西風

鄧南坡詩一首

南坡名枝麟甯鄉人

秦人洞

長城萬里白骨朽

秦人半死獨夫手  
侯生已去盧生還  
避世猶有桃源空  
花開花落幾經春  
山洞幽深不見人  
川源十里紅如錦  
卻許漁郎來問津  
望夷宮中胡亥死  
英雄逐鹿紛紛起  
漢家伏臘四百年  
深山歲月長如此  
我來躡屐綠蕪中  
種桃人去煙濛濛  
一聲長嘯振林木  
溪邊笑殺桃花風

胡酒民詩一首

酒民名士  
攸縣人

桃源洞

桃源仙洞歷千秋

六十年來始一遊欲叩洞門人不應西風空釣纜船洲

湯穉平詩一首

穉平名準  
睢州人

桃源

柴桑便是羲皇世智

慧相忘息衆喧能使此心無魏晉寰中處處是桃源

趙量公詩一首

字未詳  
桃源人

桃源仙隱

雞犬桑麻別有天

秦時逋客晉時仙漁郎去後無人問一度花開一記年

李書吉詩一首

字未詳  
常熟人

泊桃源

竹籬短短柳枝斜半

是漁家半酒家欲問仙源迷洞口秋江一枕夢桃花

張貢五詩一首

貢五名埴號  
香泉湘潭人

武陵阻水遙寄高明府旭

齋 失却桃花口漁人問訊難仙蹤疑隔水雲氣已迷灘

郡與秦時古官同洞裏閒南陽劉子驥見此亦空還

桃花源志略卷十一

十三

李朴子詩一首

朴子名彪  
白桃源人

桃川仙隱

大隱蓬壺一徑

齋落花流水自爲鄰只今剩有樵漁伴不是當年問渡人

陳蘭莊詩一首

蘭莊名圭  
攸縣人

題潘鸞坡桃源問津圖 芳

草青青洲渚閒十年春夢落湘山仙源輸與桃花笑借得

漁舟更不閒

高曉山詩一首

曉山名桂  
武陵人

桃花源

桑竹陰森屋四鄰

溪山從古隔風塵門前便是桃花岸何事漁舟別問津

馮香泉詩一首

香泉名學  
醇武陵人

桃源洞

山川闢靈境中開

而外閔昔有避秦人相率來絕地人閒路不通足可遺塵

累沿溪忽有人春風何多事若不見桃花漁郎焉得至

余石亭詩六首

名前里

桃源紀行詩

雲嵐貼水浮煙蘿

皆倒挂繡屏映綠溪一幅天然畫 寒濤齧江巖風雨聲  
悲壯溪口落英飛捲作桃花浪 長松映巖廊古碣臥蒼  
蘚升舉問瞿童道人空妙演 延訪避秦地桃花引客來  
此是唐虞世洞門何不開 纔巖劈石磴空際一橋懸坐  
久無所遇樵夫疑是仙 幽絕石棋枰洞仙託芳躅丁甯  
采樵人莫看棋終局

張炳詩一首

字里未詳

秦人洞

洞門深鎖老莓苔一洩漁

郎不再開海上空畱方士跡豈知遯世有蓬萊

丁佩玉詩一首

字未詳 昆陽人

桃源洞題壁

雞犬桑麻洞裏

人秦時衣服晉時春祖龍空自求蓬島豈料仙翁已避秦

楊雲津詩一首

雲津名 淳浪穹人

桃源

樹接青山水接天山

桃花源志略卷十一

十四

光如黛水如煙桃源到此纔經眼夢入花中已廿年

張浣山詩二首

浣山名 晉本善化人

桃源雜詩

白馬銀濤濺石

鳴鷓鴣剗子蹋波行沅南一夜瀟湘雨三十六村春水生

自入桃源學捕魚山人多傍水人居桃花夾岸春潮長

梁椿沿江結木廬

路莊南詩一首

莊南名 華大興人

桃源洞

洞口桃花著色新

淥蘿方竹四時春此閒便是神仙窟何事漁郎別問津

邵龍皋詩一首

龍皋名 明銑黃岡人

行經桃源

天闢靈源注此

鄉盪舟我亦似漁郎桃花落水紅依漿楊柳含煙綠拂檣  
洞裏妻孥勞繾綣雪中雞犬聽微茫那須風俗論朝代耕

鑿原爲避世方

戴萍村詩一首

萍村名世泰烏程人

過桃源

不訪神仙窟無勞

再問津山川自終古魏晉有遺民村釀風光美胡麻物候  
新桃花原不俗畱得昔時春

艾晟詩一首

字未詳桃源人

春游桃川

步入桃源洞秦人事

有無巖空泉響落林靜鳥啼孤蓬島形相肖天台景不殊  
溪流猶識路何必問樵夫

彭葦閒詩二首

焯師葦閒先生希鄭長洲人

題譚篋園桃花源纜船

圖 人家稠密景熙穰雞犬桑麻世外鄉自是賢侯風近  
古不徒氣象似羲皇 泛棹曾窺洞口春歸程旋逐馬蹄  
塵游蹤空想仙源勝翻使桃花欲笑人

王汾原詩一首

焯師汾原先生煦上虞人

夢游桃源

我到人間

桃花源志略卷十一

十五

十七年桃源夢泛武陵船漁郎一去無消息只有秦時月  
在天

李北溟詩一首

北溟學使名宗瀚號春湖臨川人

過桃源

古人達時

變幻語偶成趣後人驚奇詭遺蹟妄題署我入桃源境風  
景春方暮閒禽啼近人塵夢若初寤雞犬雜平疇人家隔  
深樹徑絕崖乍逼坡迴溪屢渡轉瞬別天地忽與前山遇  
居人競相語指點逃秦處延望是耶非滄桑今幾度山桃  
初葉齊紅消綠成霧不恨失花期遂失緣源路人心隨物  
變來者半迷悟焉知遺世情不受濁世汙游神懷葛初詎  
爲秦人賦不見范蠡舟拂衣五湖去畱侯亦避穀永結赤  
松慕高風同所契心跡如相訴卻笑武陵人還被神仙誤

陶子霖詩二首

文毅公名澍號雲汀安化人

過桃花溪

山路雨後

深雪樹蒙朝絮一鳥忽發聲衝破煙痕去

澗曲小橋橫

屋角雪中現不見武陵人但見桃花片

余岳湖詩一首

岳湖名世清桃源人

秦人洞

洞擘雙峯一線開

肩巖隱隱護靈胎詩人止解翻陳迹漁子何曾誤後來擲

斧看棋今日局空心摩頂舊時材臨風爲語求仙客莫學

漁郎到便回

何懋軒詩二首

懋軒學使名學林開州人

過桃源

問訊桃源幾度

過神仙蹤跡究如何太平風景眞如畫如此溪山已足多

淥蘿山映舊桃川煙景迷離別有天偏羨此閒好仙吏

桑麻雞犬自年年

桃花源志略卷十一

十六

劉湘華詩一首

湘華名熊番禺人

題桃源圖

幾家茅屋掩重

門兩岸桃花夾一村世外久無秦日月山中還有晉乾坤

六朝兵火王兼霸數畝田園子復孫寄語問津休更往太

平何事武陵源

嚴娘詩一首

字未詳雲南人

桃源

昔人誤逐桃花行今見寒

潭徹底清果有漁舟來泛泛空教春水漾盈盈仙乎竟欲

忘言說客也何從避姓名打槳蒼茫煙霧裏青山相向亦

多情

陳卷山詩一首

卷山名楷禮武陵人

彝望溪

武陵山行深盤折

窮平陸拄杖涉沅水夷望遙在目靈境絕毒淫山水豁新

沐青蘿縮碧簪涓決更南洑漁子集斷流樵響聞空谷溪

上四五家寒茅補松屋雞犬雜人煙清曉然楚竹數聲柔  
櫓中不惜窮源獨中流歌歛乃細浪生輕縠杳杳逐雲移  
冥冥披霧宿昔游誤桃川始此涉幽隩洸蕩瞥心魂雲綃  
挂百幅

秦百二詩一首

百二名關  
湘潭人

桃源 武陵深處好家居一

境煙霞伴結廬紅錦洞中爲世界白雲山外自郊墟溪流  
場圃何時靜籬落人家幾處踈繞徑蠶桑多沃若延賓雞  
黍足相於百年鄰里歡猶昔三代衣冠錦不如婚嫁尙遵  
前代俗子孫還讀未燒書西疇鞭影朝驅犢南浦歌聲夜  
捕魚此地樂眞寰宇外其天全在遂皇初不聞瘠土憂三  
害但見肥鄉樂九餘建亥已忘秦月久承庚那識漢雲舒  
蓬萊縹緲神仙遠槐郡功名富貴虛我欲問津重打槳桃  
花知否笑迎余

桃花源志略卷十一

十七

陳介吾詩四首

介吾名本  
廉沅江人

桃源遊仙辭 洞口桃花兩

岸栽一回春至一回開山中不用人閒歷但見花紅春又  
來 家住桃源晝掩扉閒鋤瑤草帶雲歸水流洞口自今  
古花落門前無是非 桃花溪裏春水清桃花溪邊春草  
生春深結伴澣溪水桃花兩岸踏春行 惟有桃花不閉  
關青溪深處白雲閒外人不解尋蹤跡只有春風共往還

吳秋陽詩一首

秋陽名炯號  
睡菴武陵人

桃源行用王右丞韻 花

落花開春復春秦人家住武陵津岸外碧桃深有路洲邊  
流水靜無人漁舟遠泛青山隩繫纜前汀旋登陸入洞天

開樹拂雲沿村日午風驚竹秦客曾將板作扉楚人祇用  
蘿爲服樹頭春雨漲泉源百畝青疇十畝園雞鳴桑陌籬  
筐會酒熟榆村社鼓喧當年避世因來集子孫生不知城  
邑鳥啼花逕荷鋤歸犬吠柴門迎客入聚首驚疑賓主閒  
淹畱雞黍欲忘還尙憶神皋開渭水豈知龍氣聚鍾山漢  
年晉祀誰聞見擾擾煙塵飛赤縣五百春秋幾溯洄三千  
花實空繁衍話別猶看草木春重尋豈意峯巒變南陽高  
士漫情深先生五柳自成林桃花爛漫春如畫誰共漁郎  
鼓棹尋

羅靜渠詩一首

靜渠名世鎮長沙人

過桃源

仙源古洞深雞犬

渺何處流水與桃花春風自來去

桃花源志略卷十一

十八

萬仰亭詩一首

仰亭名師韓武陵人

題譚篋園司馬十三次入桃

源圖 我本武陵人曾讀桃源記溪上偶問津水流花亂

墜古洞鎖煙霞豈爲秦人避松濤吼層巖遠響答天籟同

此一乾坤世遠風俗異使君甘棠陰扁舟幾信次去來十

有三溪山縈寤寐我欲從之游僊桃許分餌無奈理歸鞭

時以同知解組古文坪

送君拚一醉再入俟何年惠我書先寄

胡橘洲詩二首

橘洲名啟榮乾州廳人

題桃源圖

人間坤軸總

茫茫洞口煙雲護上方不學韓公詠圖畫敢云仙跡屬荒

唐 淥蘿山遠碧溪斜寫人生綃境未差我本武陵垂釣

客春風幾度看桃花

姚鼎南詩一首

鼎南名定益武陵人

三門山

溪流正駛列三門

砥柱能收萬馬屯亂入碧霄排日馭齊穿坤軸迸雲根高  
秋塏影搖波影傍岸漁村雜酒村潭底尺鱗肥可釣雨蓑  
香帶綠苔痕

艾濂詩一首

桃源人字未詳

過桃源洞

桃源古洞傍江濱水

泛桃花處處春漁父不須重問渡而今無復避秦人

楊蒼林詩一首

蒼林名樹里未詳

桃花溪

洞門深鎖碧雲天

流水桃花意渺然舊路有心尋不得卻從溪口繫漁船

劉峻坡詩一首

峻坡名詔陞衡山人

游桃源洞與聶藻庭話別

徑穿石壁入幽奇生面宏開勢轉夷千仞鷲山懸翠嶺重  
城雉堞俯罍罍迎人洞外桃初蕊繫馬江干柳未絲他日  
鄉亭一杯酒憑將春色到天涯

桃花源志略卷十一

十九

章西園詩一首

西園名正位武陵人

桃花源

桃源何處問仙蹤

靈境天開第一峯世外桑麻閒魏晉山中歲月古羲農水  
流花放村初闢洞古雩深客乍逢會得淵明真意在扁舟  
來往自從容

蔣敬堂詩一首

敬堂名維光武陵人

游桃花源

此境何人闢淵

明記一篇桃花成世界古洞有神仙攜酒朋堪約磨崖字  
可鐫我來頻弔古又結看山緣

聶蓉峯詩一首

蓉峯名銑衡山人

題徐東園畫桃源圖

指點

桃源境分明在眼前桑麻皆入畫雞犬半疑仙綠水迎雙  
楫紅霞漲一川漁翁隨地是入世不知年

沈瘦山詩一首

瘦山名學廉仁和人

題桃源圖

一抹雲山幾點

煙清風環繞綠無邊尋常花鳥三春景看到桃源畫亦仙  
朱寶田詩一首寶田名怡 秦人洞 古洞秦人去路遙  
不知黃髮與垂髫雪中雞犬長松隔月下房櫳宿霧消幾  
處青山圍碧樹一灣流水繞平橋漁郎去後無消息風景  
依稀未易描

龔雲濤詩二首

雲濤名立  
海巴陵人

舟次白馬渡同查花儂昆季

羅生鼎華游桃花源秦人洞 白馬江頭暫艤船春山踏  
破幾重煙有津只要人能問避世方知地果偏眼底儘教  
空漢魏胸中何處著神仙洞天料有藏書在秦火難燒惜  
未傳 雞犬雪中認故居碧蘿深鎖石門虛桃花滿徑紅  
飄雨春水流香綠瀉渠遺世可能人跨鶴前身安見我非  
漁遇仙橋上逡巡立天外煙嵐任卷舒

桃花源志略卷十一

二十

吳荷屋詩一首

荷屋中丞名  
榮光南海人

道光甲申三月過桃花源

作 浪光天接武溪源爲憶漁舟一叩門山外龍蛇人歲  
月洞中雞犬汝乾坤白雲閱世無秦晉綠水還家有子孫  
果否問津難再至桃花開遍笑無言

翟芸樓詩一首

芸樓名漱  
芳涇縣人

題桃花源圖 捫藤引葛賴

窮探一幅生綃擁翠嵐十里桃花紅在水武陵春色勝江  
南

盧桃塢詩二首

桃塢名爾  
秋塾江人

題桃源圖 于今都是太平

民洞裏神仙尙避秦贏得許多疑案在探奇先問武陵人  
春雨庭階蘚欲斑雲中潭水夢中山天涯一種盧綸感

路到花林第幾灣

唐秉衡詩一首

秉衡名開銓號鶴田武陵人

題蔡盤谷春江垂釣圖

芒鞋翦笠倚山根一箇鱸魚酒一樽我亦武陵捕魚者  
相逢好與話桃源

夏培堂詩一首

培堂名元成武陵人

秦人洞 何處深山可避秦

青溪一帶菘蘿春不須更向漁郎問只見桃花便是津

張玉圃詩一首

玉圃名琳武陵人

擬韓昌黎桃源圖 九州非

復嬴秦地尙畱一洞煙蘿翠跡祕深山六百年南朝始有

淵明記淵明作記非寓言人間有境避塵喧松菊琴書歸

栗里桑麻雞犬話桃源桃源人住深山裏山中畱客炊煙

起何事重來徑忽迷春風望斷桃花水一幀生綃寄到時

桃花源志略卷十一 二十一

有聲畫作無聲詩桃花更許漁舟入我亦沿溪理釣絲

周研山詩一首

研山原名成邑易名廷杰鎮遠人

觀陳吾山爲百菊溪

制軍寫桃源圖 持節觀風到武陵太平景象有明徵桑

麻雞犬都如畫展素揮毫得未曾

戴樵書詩一首

樵書名南崑武陵人

沅陽講舍遣懷 竭來弦誦

一番新風俗居然太古春柳葉湖邊垂釣客桃花溪上問

津人但安耕鑿求衣食不向神仙辨僞真一卷陶詩常在

手此生甘作太平民

黎遠村詩一首

遠村名際時瀏陽人

桃源圖 彎環一水碧無塵

化裏春山溼翠新便欲移家畫中住扁舟來往逐漁人

土星源詩一首

星源名文海武陵人

游桃花源 爲道桃源景物

賒川源遠近樹交加別開天地真如畫不問神仙祇看花  
古剎鐘聲樵子徑小橋流水野人家洞門何處尋遺跡惆  
悵蒼蒼暮靄遮

吳芝房詩一首

芝房名景卿武陵人

桃花源次陶淵明韻

桃源

事贗眞上下幾千世縱有避秦人已同流水逝我來訪仙  
蹤肯以半途廢但見白雲迷欂舟暫小憩岸花笑口妍場  
藿隨時藝窈谷隱人家荒邱無戶稅村龙解迎客隔樹狺  
狺吠時有微風生被身當清製何年爛船沈野渡罕人詣  
一轉一溪灣山光彌壯厲積巖曾幾尋斷碣不知歲攬勝  
攄古懷徘徊捐癡慧空山有人行縹緲煙霞界安知非神  
仙翛然超塵蔽要知洞中天大抵猶洞外靜躁悟聖凡一

桃花源志略卷十一 二十二

心結遐契

吳素村詩六首

名里見前

游桃花源用陶淵明原韻

三十

六洞天共在人間世雖爲羽客居易禁游人逝不記春與  
秋那知興與廢何年避秦人率屬來小憩流水一溪清桃  
花千樹藝我欲往從之命駕此中稅洞口雩自封洞中犬  
不吠事疑漁父虛記笑淵明製抑或厭塵囂別向幽巖詣  
涉世若涉川淺揭深則厲服食求延年究竟無千歲憂患  
若生成痲疾勞德慧我本洞中人偶落塵寰界利欲一薰  
心根源遂蒙蔽毋怪不見容俛俛向門外庶幾歸去來夢  
中作神契 是夜夢桃花源再用淵明韻 竟日尋桃源  
歸來欲遺世情如流水長心逐白雲逝漸覺俗慮清頓使

塵緣廢宵寐續晝游夢向洞中憩桃發舊時花樹是何年  
藝書未經火焚田不知官稅日永人自閒村幽犬還吠老  
少笑逢迎道我新詩製雖屬游戲言其實得精詣茲洞非  
舊居只爲游人厲結隊來問津題詩紀年歲濁俗託清高  
譏評逞巧慧避之恐弗深別開此新界邀君夢中言卽此  
非見外送夢乍醒靜思感深契 題桃花源記後仍用  
淵明韻 晉代陶淵明生當叔季世抗志傲羲皇去汝無  
由逝寄奴草連天典午紀綱廢拂衣歸去來杜門且休憩  
松菊漫栽培田園更樹藝詩只任天真酒不輸課稅代馬  
嘶北風桀犬笑堯吠隱衷欲告誰五柳傳自製蓮社豈逃  
禪許飲何妨詣高蹈絕塵寰隨俗無激厲筆下有春秋甲

桃花源志略卷十一 二十三

子書年歲翟卿亦安貧五兒幸無慧一朝記桃源幻出神  
仙界漁郎偶問津旣出路旋蔽心在古之初言在文以外  
千載仰高風此意誰能契 補種仙源桃花偶成 補就  
仙源十里春桃花千樹種來新漁舟不用尋前路錦浪溪  
頭試問津 花光如火映波光山水真成錦繡鄉添得騷  
人無限興春來都爲看花忙 不須閬苑去求仙底用瀉  
山更悟禪一片空明香色界居然身在小瑤天

楊木菴詩四首

木菴名先  
湘陰人

登川上亭望桃源洞

秋水

茫茫捲暮煙秋山轟轟擎青蓮綠蘿四十二福地白馬浪  
光三十五洞天好山好水看不盡一一飛墮吾樽前況有  
桃源在咫尺縹緲不似蓬萊巔溪頭丹楓逐流水疑是千

片萬片桃花流出清冷泉昨宵夢入秦人洞桑麻雞犬非  
人間黃童白叟見客至煮酒爲我開芳筵自言此中自太  
古歲歲耕種無糧田座閒似訝陶處士此語肯爲外人傳  
醒來餘醞尙未解是耶非耶心茫然今朝江亭快登眺手  
捫星漢疑飛仙入山何須採靈藥驅使草木成丹鉛但當  
攜家共耕織稱觥介壽三千年人間快意那得此空有意  
想無機緣君不見桃花洞口迷煙霧一路斜陽照紅樹依  
舊漁郎捕魚去 桃源洞種桃東吳素村 桃花溪頭淨  
如練岸柳垂垂蘸波面舊日桃花一片無紅霞遠近空畱  
戀延陵公子如曼卿飄然遺世來問津乞得瑤池王母種  
空山拋擲生雲根種桃自製聯珠體約我鋤雪碧山裏我

桃花源志略卷十一 二十四

亦嶽崎磊落人探春早被鶯呼起鶯呼歷歷江路斜手攜  
千片萬片天台霞不求一夕繁英之幻術不愛上林緗紫  
之繁華蓬頭弟子茅山住與我騎驢入煙霧泥丸纒纒三  
百顆爲補君前未栽處從此仙源不寂寥年年春信來相  
邀何須定飲秦人酒到此看花一足豪 桃花溪 武陵  
溪上桃源山山環路轉幽且閒欹巖絕磴滑折不易到三  
十六洞之外別有天地非人間先生來自東海上欲與羣  
仙高會驂虬鸞大兒黃洞源小兒瞿童子呼起桃源洞裏  
避秦人扁舟同泛桃花水不必煉鑪中丹不必采山中杞  
我曾種桃三百株看花水上紅霞起紅霞在水白雲在衣  
空山無人花月交輝手持仙人九節方竹杖朗吟先生遇

仙橋上詩時人疑我學仙去是仙非仙吾不知但願百年  
三萬六千日長與先生一日一醉桃花溪 葦蘿山 丹  
崖插空碧杳靄羅煙鬢虵盤數十轉徑仄不可攀枯藤當  
路隅蜿蜒蛟螭蟠上沸飛鳥翼下臨千尺湍側坐古崖暝  
松陰生夕寒天風吹紫霞墮我襟神閒遙遙翠微裏仙人  
相往還括予拾瑤草霜鬢回童顏翹首望空際渺渺隔雲  
端

黃鳴周詩一首

鳴周名鏞號  
谷音吳縣人

遊桃源洞歌

昔聞桃源

洞真足空千古我友貪奇邀我觸熱遊輕舸上滄溪之澣  
溪流渾渾灘疊疊舍舟徑上穿林隴兩山夾澗炎景赫荒  
刹無人但環堵石龕斜倚踞地坐心氣稍涼汗流雨小亭

桃花源志略卷十一 二十五

呼僕買甌漿朋儕相對互相語不知仙洞果何如科頭聊  
向林端舉山坳石磴頗曲折數十百級緣若鼠四山積水  
會隙下非泉非脈色膩乳摩崖立石幾唐宋半蝕苔花雜  
泥土羣峯圓轉自羅列欲覓雲根無一縷一菴峯頂誰誅  
茅疑是秦人飯客所野僧漫無主賓意豈有漁郎飽雞黍  
當年作記竟何憑頗悔此遊成莽鹵我友大笑君勿瞋高  
人自作溪山主去來領略仙隱意溪草山花皆媚嫵塵纓  
一澣俗慮靜豈惜登攀值煩暑林壑欲暝栖鴉集斜日歸  
霞半吞吐溪光晃漾月東上更逐漁舟弄烟艣長歌相與  
記遊蹤六月之望歲戊午

方捷昌詩一首

巴字未詳  
陵人

桃源洞

絕巘盤幽徑危橋對

小廬深林閒鹿豕曲磻坐樵漁里有羲皇俗家無漢魏書  
曠然今古意或恐是華胥

方宣綺詩一首

巴字未詳陵人

桃花源

勝蹟傳靈境來游愜

素心涼風吹古洞斜照逗疎林堯韭流痕溼秦松綰霧陰  
芳鄰如可接卜築共幽岑

徐倬湖詩一首

倬湖名其相湘潭人

桃花源集陶句

不見所問

津飄流逮狂秦奇蹤隱五百和澤周三春草木得常理市  
朝悽舊人未知止泊處從我潁水濱

葛筠橋詩三首

筠橋名樹蕃湘鄉人

桃花源

世外桑麻物外蹤

煙光雲影一重重洞門深邃無人叩絕勝函關百二封  
紅雨桃花一色新回溪兩岸草如茵山中不看高陽歷知

桃花源志略卷十一 二十六

是夫耕婦饁辰從橫家數總成虛法令何容變古初種  
樹有方農有課也應攜得未焚書

于學勤詩一首

桃源人字未詳

桃源洞

綠竹青松兩岸栽桃

花片片逐溪來秦人此日知何處洞口雲封擘不開

易復堂詩一首

復堂名元健湘鄉人

桃源

白馬江流萬里奔淥

蘿山色易朝昏居官也似神仙吏絕好江山在縣門

程雲芬詩四首

雲芬學使名恩澤號春海歙縣人

綠蘿巖

玉人曉臨

鏡綰作墮馬髻自顧一嫣然光拂姊與娣名流醉敲帽衣  
角飄風前書味盍胸中俯仰皆可憐茲山勝以態千古向  
人拜不假草樹色濃秀發天黛回颺叩其腹其響若鐘鼓  
其腹疑有月夜夜白如許桃花日暮天祗愁化流煙安得

棹漁舟守山長不眠 桃源詩 避秦入洞壑世世長子  
孫如何唐畫詩競指仙之人避秦卽避宋淵明寓言耳如  
何武陵客日尋壑口水或謂錯築城投畚插者流或謂瞿  
拾棋曾與仙子游漁父無姓氏實以黃道真劉歆非晉人  
子驥豈前身持以問淵明不足當一映高臥北窗下請從  
羲皇說河湫至夷望處處神仙家三度過洞戶今年逢桃  
花桃花爛若錦北風猛如虎一飯不可畱耿耿憶前古  
又絕句 栗里柴桑豈足耕翻然欲作洞天行僞書不顧  
淵明唾太守漁郎補姓名 陶公不似謝公顛遮莫來尋  
洞口煙一樣桃花兩番雨永初而後太元前

譚篋園詩一首

名里見前

三門山 四臺爭露碧孱顏下有

桃花源志略卷十一 二十七

三門蘆荻濟翠黛數重都蘸水青螺雙縮欲浮山鐘聲遠  
落晴煙外帆影來從碧樹閒我欲鳴琴破空寂層崖一一  
許躋攀

譚梅龕詩一首

梅龕名精品永北廳人

自題畫桃源圖 人家何

處住紫翠撲桃林山瘦依泉曲花繁映戶深衣冠太古製  
黃綺舊時心漁父回舟後蒼茫不可尋

王子卿詩三首

子卿名澤蕪湖人

桃源紀游 陂陀轉山腰石

脚插在水人緣坡上行影落明河裏自從武陵來平山幾  
百里連緜列翠屏鏡水通宛委巖霧曉初泮微風正清美  
山窮白馬渡招招我舟子 武陵嘉處多最古桃花源山  
僧導我入盛暑午不暄修竹千百竿半天綠雲掀崔嵬太

古石畫法馬夏論泠泠澗中水流出秦人村有亭跨橋上  
俯首聽潺湲卽此已仙境何須尋洞門 我行長坂鋪山  
徑更險絕其下潭磨銅一路石立鐵足右每沾濡肩左或  
挨揆前馬常回頭後人屢出舌沿緣蟻隊行倒影魚貫列  
幸無波濤湧生怕厓石裂如從山陰道過眼雲煙滅寫圖  
姑未暇作詩當言說

王步雱詩一首

字未詳  
湘鄉人

游秦人古洞

徑仄白雲孤山

空殘日墜雞犬不聞聲桃花紅滿地

馬惲村詩二首

村名士  
江甯人

五松園觀湯雨生寫花溪漁

隱圖是日秦遠亭何梅隴黃子湘楊蓼汀孫竹庾釋鷹巢  
同賦 靈區終古富春秋溪上漁人已白頭便欲相從問

桃花源志略卷十一 二十八

津去何年一棹武陵游 深山古洞白雲遮千樹桃花一

望賒小李將軍畱畫本不妨點綴到桑麻

陳泗村詩一首

村名式  
勳應城人

題周月溪畫桃花源圖 山

勢奔騰點綴新綠蘿晴畫淨無塵溪頭春水還思晉洞口  
桃花不戀秦遺世求仙終屬隱寓言作僞反疑真請看寰  
海多風景處處停橈好問津

唐問渠詩一首

渠名開  
武陵人

自穿石一日至朗江友人約

游桃源洞未果 茫茫身世嘆飄蓬選勝登臨想像中畱

客已虛雞黍約挂帆真似馬牛風一江春水纔拖碧兩岸  
桃花未落紅我愧風塵少仙骨洞門深處路難通

郁琴波詩二首

琴波名位  
中宿遷人

鮑薇菴舅氏命題桃花源圖

武陵太守風流甚問訊桃源索賦詩此日太平好風景  
披圖如見古皇羲桑麻雞犬自成村洞裏神仙久閉門  
我亦西湖舊漁隱問津來滂武陵源

許繭齋詩一首

繭齋名菜  
上元人

題劉覺香出所藏桃花源圖

問津人去總裴回洞口桃花錦作堆何不中間添箇我  
雨蓑煙笠釣魚來

陳商巖詩二首

商巖名濬原名  
伯來武陵人

聞竹谷遊桃花源按羅

殘碑甚夥賦詩奉寄殘叢文字賴按羅問訊煙霞興若

何十里桃花紅不斷名山獨占讓君多頻年鹿鹿走風

塵宋遠燕遙一問津咫尺仙源偏未到署名我愧武陵人

張謙菴詩一首

謙菴名禮  
湘潭人

和陶淵明桃花源詩我聞

桃花源志略卷十一 二十九

武陵源有人避秦世不知漢魏分但覺羲娥逝百家書□  
燔先王道未廢熙熙太和風於此得幽憩數畝環林泉□  
時競樹藝有地種桑麻無人索租稅屋角雞初鳴籬根犬  
不吠釀花酒初熟采葛衣新製廬舍相迴環問訊日相詣  
林木遠可樵溪水深可厲古皇滂太初甲子紀年歲俯看  
童穉羣不辨拙與慧白雲爲藩籬桃花作世界山深落日  
遲樹古清陰蔽誰與扁舟來鳴榔隔煙外相與信宿歡晤  
言證幽契

徐琢齋詩一首

琢齋名正  
琳沅江人

題周月溪寫桃花源圖點

化黃金卽上天憑他懵懂亦成仙漁郎那得還丹訣又駕  
扁舟泊晚煙

陳淥溪詩一首

淥溪名盤禮宗五先生孫

偕唐竹谷游桃源洞止宿

洞旁大士閣 漫說桃源別有天 泉明一記已堪傳 名山

相對真如畫 好友同來亦是仙 摩頂松高長蔽日 空心杉

老不知年鍊丹臺 圯空惆悵暫向僧房借榻眠

王確庵詩一首

確庵名才果瀏陽人

題桃源圖 未至花源地先

看畫裏山神仙 原縹緲身世費躋攀 穿石零千片 桃川水

一灣我生結幽契 何日打魚還

吳蘭雪詩二首

蘭雪名嵩梁東鄉人

桃源洞 沅水南流曲 秦人

深處家耕桑 無賦稅 寢食有煙霞 盛世誰高蹈 幽尋且

釣槎仙 鄰容早結繞屋種桃花 金惕菴太守解組訪桃

源圖 茅屋三椽翠蔓遮 出山我亦負煙霞 置田未踐東

桃花源志略卷十一

三十

坡約漉酒先尋靖節家人海 藏身真芥子 仙源隨地有桃

花 黔南小築容偕隱 願卸風帆上釣槎

高梅知詩一首

梅知名正昂龍陽人

過桃源 漁歌起渡頭 唱入

白雲裏 一帶釣人居 桃花隔溪水

毛月舫詩一首

月舫名元煒長沙人

桃花源行 昔聞桃花源 乃

在人世外 桑麻半荒忽 雞犬亦靈怪 中有避秦人 冥漠迷

宙界 遂疑有爲無 不辨塵與芥 豈知淵明非寓言 江山到

手真 桃源君不見 滇黔東走八千里 辰山橫亘洞庭水 其

中千巖萬壑高極天 懸崖絕磴相鉤連 惡灘槎枒黑雲沸

山鬼叫嘯青冥顛 神靈往來光倏忽 轟訇雷雨蛟龍鞭 黃

茅深箐蠹蠹宅 狃獐跳擲如狙猿 扶輿積氣鬱久始一洩

屹爲迴環層疊之靈山  
匪爲漣漪紆帶之清淵  
世人牛馬爭聲利  
何暇蠻荒討幽異  
直將靈奇倘恍說  
判爲放誕虛無事  
我來桃花溪行訪  
桃源洞清谿平遠  
人煙稀碧浪參差  
鏡光動漁舟時見  
幾網還幽篁忽聞  
一鳥嘒水紅婬姹  
飛英香綠蘿十幅  
雩錦張隨流詰曲  
遠近忘劃然靈境  
開鴻荒且繫煙中  
艇行騰縛雙脰茅  
屋陰陰帶桑柘水  
田漠漠交畦町攜  
籃村婦遵微行驅  
犢山童轉峯頂見  
客相錯愕禮數無  
差等各有泉石氣  
地僻心自迴透迤  
犖确溪徑斜亂紅  
開盡山桃花竹雞  
初啼林雨過松鼠  
低竄黃藤遮清泉  
百道漱寒玉怪石  
千笏凌飛霞一綫  
測天劃窳窳二分  
側足穿谿罅羊腸  
盤行入山腹四圍  
逼側山如屋天高

桃花源志略卷十一 三十一

日午無鳥聲滴瀝泉音下  
空谷瞿童丹竈委榛蕪  
斷碣殘碑倚叢竹吁嗟  
乎高陵下谷多變遷前  
人住此非神仙火耕  
漁隱五百年不知漢魏  
相襲沿如今混沌旣穿  
鑿官吏來索輸租錢江  
山未改人事易何況滄  
海爲桑田徘徊日落  
西山脊四山雩起長天  
碧蒼煙雩鎖洞門深不  
信中無赤松客

張靜安詩一首

靜安名棠 湘潭人 槩號

桃源有懷 何處秦人

洞先生儻寓言河山  
非典午松菊自田園  
歲月義熙古衣冠  
處士尊宅旁五株  
柳避地卽桃源

黃伯良詩一首

伯良名花 耘甯鄉人 騏號

過桃源洞同家弟仲良

用王右丞桃源行韻

輕帆吹挂桃源春  
紅霞壓岸花飛

津三千年來問流水我亦當時洞裏人結茅記得緣岸隩  
半枕幽泉半林陸行吟未擷楚臣蘭別淚不彈湘女竹長  
城築怨宮築愁逃遁筭笞脫赭服雲水一區天外源亦疏  
蕪穢鋤田園不見瀉池龍壁碎詎知蘄澤狐篝喧**吁**嗟海  
上童男集徐市漂流去鄉邑蜉蝣島外片帆飛龜鼈波中  
扁舟入眷屬何如家此閒擾擾浮雲住往還重瞳雖逝烏  
江水五采龍蟠芒碭山四塞况經黃霧見閨位蛙聲噪赤  
縣銅臺歌伎悲曹瞞玉塵蒼生誤王衍世上滄桑幾戰爭  
山中歲月無更變千古萬古煙雲深蒼茫隔斷桃花林卽  
今商山起園綺如此仙源誰去尋

吳瀛樵詩二首

瀛樵名登  
選武陵人

游桃源洞

青山如髻柳如

桃花源志略卷十一 三十二

煙一水盈盈綠到天布韉青鞵來絕境看花人似洞中仙  
居人競說古桃源魚笛牛歌長子孫但得柴桑歸去意  
不堪頻向外人言

何小山詩一首

小山名光  
業武陵人

秦人洞

萬古津誰問桃源

蹟取奇神仙新世界日月古皇羲雞犬雩中杳衣冠世外  
奇相逢司馬代重話祖龍時甲子何曾數兒孫各自嬉路  
迷紅雨亂人老白雩知靈洞誰徵畫遺蹤幾勒碑淵明甘  
隱逸歸與醉鄉宜

沈東堂詩二首

東堂名允  
桂武陵人

秦人洞

不讀泉明記何從

說避秦洞中饒樂土世外有遺民桑竹餘千畝桃花滿四  
鄰至今碧溪水流古時春 一與紅塵隔茫茫不記年

河山猶魏晉雞犬亦神仙門掩藤蘿月橋通瀑布泉漁郎  
今已杳誰泛武陵船

阮霞衣詩一首霞衣名芝益陽人

桃源 溪上見桃花云是避

秦處不見避秦人且泛扁舟去

尹夢雲詩一首夢雲名溟南人 普 再游桃源洞 十載曾游地

琳宮鎖寂寥桃花如隔世流水問前朝雞犬雲中隱煙嵐  
畫裏描清明如踐約未惜馬蹄遙

楊文治詩一首字未詳永北人

靈巖洞 一徑通幽小洞開桃

花點點落蒼苔溪頭應有秦人在可惜漁郎棹未來

楊培之詩一首字未詳湘陰人

桃源道中 武陵洞口微風過

綠樹曉寒清露墮流水斷橋不見人鷺鷥一點青山破

桃花源志略卷十一 三十三

林辛山詩一首辛山名聯桂吳川人

桃花源詩與陸研香王香令

李翼堂同作次香令韻 黃犢生兒稻長孫外人何足與

同言遭逢不必曾相識送別翻教欲斷魂山氣空濛雲鎖

洞花容爛漫錦圍村他年艤棹如重訪風景依稀待細論

王右亭詩一首右亭名佐武陵人

游桃源 溪水碧無際桃花

紅欲然迷離古洞口下有釣魚船方竹本來古靈蒲亦近

仙問津人不再緬想太元年

王亮甫詩一首焯號琴槎武陵人

游桃源洞 沅水翻

白馬春山淨綠蘿我來經洞口一片白雲多方竹亭何在  
殘碑字欲磨桃花今不見惟聽打魚歌

周鐵山詩一首鐵山名成焯鎮遠人

桃源 炊煙隱隱見人家十

里桑疇竹徑斜夾岸青山一谿水春來處處是桃花

唐蓉舟詩一首

蓉舟名開宸武陵人

種桃 武陵溪水綠當門居

近仙源別有村種得桃花千萬樹年年紅雨漲波痕

余耕石詩一首

耕石名昌穀巴陵人

桃源道中 布帆一幅挂來

安閒倚篷窗把卷看雲樹蒼茫過眼易江山奇絕得詩難

人家煙火孤村迴九月秋風客路寒明日仙源更西上浪

聲滾滾怯高灘

岳金樓詩一首

金樓名士鏞武陵人

題桃花源圖 我本武陵人

曾問桃源路碧溪西上泊扁舟過盡桃花見烟樹烟樹透

池山徑深田家社鼓接楓林松閒泉度笙竽響竹裏風來

鸞鶴音歸來因築桃花隴萬樹燕支溼春雨映水時添錦

桃花源志略卷十一 三十四

浪生倚闌莫作回風舞花閒長駐武陵春把酒看花異避

秦何事荆關寫生手卻從畫裏覓漁人

蔡黃樓詩一首

黃樓名以儁監利人

寄武陵源友人 之子杳然

去桃花夢武陵春風人兩地離思浪千層古蹟憑誰問寸

心只自矜嗟余生計拙何事髮鬢鬢

唐東溪詩一首

東溪名可久沅州人

游桃花溪待崔書城孝廉不

至 雞犬人家靜四圍武陵仙境是耶非故人有約重回

首幾樹桃花鶯亂飛

伍愛山詩一首

愛山名朝贊沅江人

擬韓文公桃源圖詩 桃源

有無何渺茫寓言寄意窮荒唐俗儒不解真耳食都疑仙

境爭誇張泉明作記別有託柴桑卽是真羲皇桑麻雞犬

在人境兒童黃髮歡相羊愛客招邀具雞黍日無魏晉言  
非狂豈有避秦種桃者肯令塵俗通輕航分明不足外人  
道當時此語堪參詳義熙以後書甲子乃與黃綺同頡頏  
讀書須貴識真諦莫令古昔嗤愚盲桃源不遠在方寸落  
花流水生春光

徐拙齋詩一首

拙齋名朝彝吳縣人

題紀退菴畫桃花源圖

勞

君蘸筆桃花水爲寫秦人洞口山寄語漁郎莫惆悵仙源  
今已在人間

金樹人詩一首

樹人名方培武陵人

桃花源 空闊杳無際桃花

忽有源涓涓生妙想汨汨淨塵喧蘭芷滿溪路藤蘿掩洞  
門問津人已往惆悵向誰言

桃花源志略卷十一 三十五

康蘆村詩二首

蘆村名學倫武陵人

題唐小俠畫桃花源圖 咫

尺仙源境逼真直教繪出武陵津鍊丹臺古分明在始信  
瞿童有後身 綠蘿山遠擁晴嵐白馬濤生萬象涵畱與

千秋作粉本豈徒名勝著湘南

外舅竹谷翁輯桃花源志略命小俠繪圖

唐荻舟詩一首

荻舟名鴻緒武陵人

寫桃源圖自題絕句 萬千

氣象啟鴻蒙靈境初開有化工我自拈毫傳勝蹟那知身  
在畫圖中

楊龍池詩一首

龍池名紹葉榆人

桃源雪霽 萬徑渾無路空

江獨有船劃開千里雪衝破五溪煙石室尙傳說漁人相  
往還桃源今夜月喜照地行仙

陳太霞詩三首

太霞名樂光武陵人

題蔡靜生寫桃花源圖 編

茅舊住武谿涯楚樹燕雩幾歲華自笑輪蹶鐵銷盡却教  
游興負桃花 桑麻雞犬在人間幾度邀游怯往還應是

山靈久相待故教先看畫中山

竹谷數邀同游  
桃花源未果

桃花源

不埋地市不城邊過盡狐鳴鹿走年亂世可逃非作隱  
外人未解自疑仙漁郎道路難重問處士文章有意傳記  
取篇端標晉代柴桑何必異桃川

楊東平詩一首

東平名寅  
武陵人

寫桃花源圖自題絕句於後

雞犬桑麻總逼真洞中都是避秦人分明一幅桃川景  
難寫漁郎再問津

龍春皋詩一首

春皋名澤  
澹桃源人

重游桃源 花放不經秋桃

源復舊游鐘聲與雲合巖翠向人流古徑蟲吟碎深林鳥

桃花源志略卷十一 三十六

語柔神仙何處是溪水自悠悠

段春澱詩一首

春澱名爲  
澹州人

題唐小俠寫桃花源圖 洞

門深鎖舊煙霞幾見神仙未有家沅芷澧蘭多采擷披圖  
先看碧桃花